

Fegl da lavur

Diriger in roboter

Per tge vai?

Roboters exequeschan adina mo ils cumonds ch'els survegnan. En quest pensum giugais vus sezs roboters. Vus emprendais da rimnar cumonds adattads. Quels cumbinais vus suenter a successiuns da cumonds, quai vul dir a programs. Vus emprendais era da leger e d'exequir tals programs.

Material

- forsch
- plan da gieu e models da cumonds per tagliar ora
- figura da gieu

Cumonds

Qua vesas ti gia trais exempels da cumonds.



Va in pass enavant!



Ta volva per 90° a sanestra!




Ta volva per 90° a dretga!

1. Tschertgar cumonds

Tschertga ulteriurs cumonds per pudair muventar il roboter tras la stanza e dissegna els en ils quadrets.

2. Far ina successiun da cumonds

Mo cun in cumond na vegn il roboter betg lunsch. El po far mo in pass u ina vieuta. Emprova da far ina successiun da cumonds.



Tge has ti observà? Mancan cumonds, uschia ch'i n'è betg pussaivel da diriger il roboter? Datti cumonds che ti has duvrà pliras giadas?

3. Il plan da gieu

Tgi chatta cun ils cumonds avant maun la pli simpla via a l'arrivada? Dovra ils simbols da cumond ed ils obstachels sin la proxima pagina.



Taglia ora ils suandants simbols da cumond e definescha, nua sin il plan da gieu ch'èn la partenza e l'arrivada. Tschenta uss ils trais obstachels. Tgi chatta la pli simpla via a l'arrivada?

